


Vischernaunca da Breil



**Lescha davart la dismessa
dall'aua piarsa**

2022

	I. Determinaziuns generalas
Art. 1	Camp d'applicaziun ed intent
2	Incumbensa dalla vischunaunca
3	Dretg surordinau
4	Noziuns
5	Classificaziun dils implonts per aua piarsa
	II. Dismessa dall'aua piarsa
	<i>1. Dismessa dall'aua piarsa sin igl intschess dils implonts per aua piarsa publics</i>
6	Obligaziun da colligaziun
7	Colligaziun
8	Implonts da pumpadi
9	Reflussiun
10	Prelevaziun da calira
11	Aua piarsa buca tschuffergnada
	<i>2. Dismessa dall'aua piarsa ordvart igl inschess dils implonts per aua piarsa publics</i>
12	Aua piarsa tschuffa
13	Dismessa dallas restonzas
14	Aua piarsa buca tschuffergnada
15	Construcziun d'implonts per aua piarsa
16	Collaudaziun
17	Menaschi, manteniment e renovaziun
18	Curdems
19	Dismessa da restonzas d'implonts per in tractament preliminar
20	Schubergiada
21	Controlla dils implonts per aua piarsa
22	Reparatura da munconzas
23	Responsabladad
	III. Finanziaziun
	<i>1. Implonts publics</i>
	<i>1.1 En general</i>
24	Fuormas da contribuziuns e taxas
25	Taxaziun, disposiziun ed incasso
26	Dretg da regress
	<i>1.2. Contribuziuns da colligaziun</i>
27	Contribuziun da colligaziun
28	Contribuziun da colligaziun speciala
29	Disposiziun
30	Scadenza ed incasso
	<i>1.3. Taxas d'aua piarsa</i>
31	Taxa fundamentala annuala
32	Taxa da diever per objects colligai

Art.	33	Taxa da diever per objects buca colligai
	34	Scadenza ed incasso
	35	<i>1.4 Mieds legals e dretg da pègn legal</i>
	36	Protestas
		Dretg da pègn legal
		<i>2. Implonts privats</i>
	37	Implonts privats
		IV. Disposiziuns executivas, penais e finalas
	38	Entrada en vigur ed abrogaziun dil dretg vertent
	39	Disposiziuns penais
		Annexa
		Fegl da tariffas

I. Determinaziuns generalas

Art.1

Camp d'applicaziun ed intent	<p>Questa lescha vala per igli entir territori communal. Ella ordeina a basa dalla lescha da baghegiar e dil plan general d'allontanament d'aua co concepir, utilisar, mantener, renovar e finanziar implorts per aua piarsa. Ella reglescha plinavon la relaziun denter ils proprietaris dil terren e la vischernaunca. Ils implorts per aua piarsa, planisai e concepi el rom d'ina planisaziun da quartier, ein su ttamess allas prescripziuns dalla lescha da baghegiar respectivamein allas prescripziuns dalla lescha ed ordinaziun davart la planisaziun dil territori pil cantun Grischun per la planisaziun da quartiers. Sch'ei maunca directivas particularas, valan las prescripziuns da questa lescha era per la procedura dalla planisaziun da quartier.</p> <p>Objects ch'ins sa colligiar cun ils implorts per aua piarsa d'ina vischernaunca vischina sa la suprastanza communalia excluder da questa lescha, premess ch'il schischom en damonda vegni su ttamess allas prescripziuns dalla vischernaunca vischina e reglaus en in contract.</p>
------------------------------	---

Art. 2

Incumbensa dalla vischernaunca	<p>La vischernaunca construescha ed administrescha ils implorts per aua piarsa necessaris, aschinavon che singulas incumbensas veggan buc exequidas d'ina associazion d'aua piarsa privata. L'extensiun dils implorts per aua piarsa sedrezzza tenor il plan d'avvertura general.</p> <p>La vischernaunca survigilescha ils implorts per aua piarsa privats.</p>
--------------------------------	--

Art. 3

Dretg surordinau	<p>Aschinavon che questa lescha cuntegn neginas disposiziuns specialas, valan en general las prescripziuns dalla lescha da baghegiar communalia.</p> <p>Resalvadas restan plinavon las prescripziuns respectivas dil dretg federal e cantunal e dall'Associazion dils professiunists dalla protecziun dallas auas (VSA).</p>
------------------	--

Art. 4

Noziuns	<p>La significaziun dallas noziuns duvradas en questa lescha sedrezzza tenor il dretg federal e tenor la cunvegna intercantunala davart la harmonisaziun dalla terminologia da construcziun (IVHB).</p>
---------	---

Art. 5

Classificaziun dils implonts per aua piarsa	<p>Ils implonts per aua piarsa veggan classificai tenor lur proprietad en implonts publics e privats.</p> <p>Implonts publics ein ils implonts construi ed administrati dalla vischernaunca sco sereneras, conducts d'aua tschuffa e conducts d'aua da plievgia sco era indrezs per scargar auas grondas.</p> <p>Implonts privats ein tut ils implonts privats construi ed administrati da persunas privatas sco conducts da colligazion cun la casa, conducts egl intern d'in baghetg, implonts da pumpadi e sereneras singulas da casa.</p> <p>La vischernaunca meina in plan da cataster davart ils implont per aua piarsa.</p>
---	--

II. Dismessa dall'aua piarsa**1. Dismessa dall'aua piarsa sin igl intschess dils implonts per aua piarsa publics****Art. 6**

Obligaziun da colligazion	<p>Sin igl intschess dils implonts per aua piarsa publics ston tut las auas piarsas vegin menadas ella canalisaziun publica. Resalvadas restan las prescripcions concernent la deflussiun d'auas buca tschuffergnadas e davart il tractament d'auas piarsas specialas.</p> <p>Baghetgs ed implonts existents ein da colligiar cun ils implonts per aua piarsa publics, aschilunsch ch'ina tala colligazion ei giustificada.</p> <p>Objects novs ein da colligiar cun la canalisaziun publica duront las lavurs da construcziun, sil pli tard avon che retrer igl object. La lubentscha da colligazion vegin dada el rom dalla procedura per la lubentscha da baghegiar.</p>
---------------------------	---

Art. 7

Colligazion	<p>La suprastanza communalia fixescha il liug ed il tip da colligazion.</p> <p>Denter il baghetg e la colligazion cun la canalisaziun communalia ei d'ereger in tumbin da controllo. Cun elements da colligazion adattai san ins colligiar il conduct cun la canalisaziun senza in secund tumbin da controllo.</p> <p>La suprastanza communalia decida, schebein la colligazion d'implonts privats cun igl implont public ei da realisar entras la vischernaunca ni entras il petent.</p>
-------------	---

Art. 8

Implonts da pumpadi En locals sutterans, nua che l'aua sa buca defluir en ina pendenza naturala, sto l'aua piarsa veginr pumpada ella canalisaziun.

Art. 9

Reflussiun	Ils proprietaris d'implonts privats ston proteger sesezs encunter eventualas reflussiuns dalla canalisaziun publica.
------------	--

Art. 10

Prelevaziun da calira	Ina prelevaziun da calira ord l'aua piarsa dalla canalisaziun publica avon la serenera ei buca lubida.
-----------------------	--

Art. 11

Aua piarsa buca tschuffergnada	Aua piarsa buca tschuffergnada ei da dismetter tenor las prescripziuns dil plan general d'allontanament d'aua. Aua piarsa buca tschuffergnada che cuora permanentamein sco l'aua da begl e da sfundrada, l'aua sutterana e l'aua da fontauna, l'aua schubra da diever e da sferdentar ord l'industria ed il mistregn ei da tener naven dalla serenera centrala. Ella ei da dismetter tenor las prescripziuns dil plan general d'allontanament d'aua. La suprastonza communalia sa obligar proprietaris d'edifecis e stabiliments existents da deviar auas piarsas buca tschuffergnadas tenor al. 1 resp. 2, aschilunsch che quei ei necessari e commensurau per las persunas pertuccadas.
--------------------------------	---

2. Dismessa dall'aua piarsa ordvart igl intschess dils implonts per aua piarsa publics

Art. 12

Aua piarsa tschuffa	La dismessa dall'aua piarsa ordvart igl intschess dils implonts per aua piarsa publics succeda tenor il concept ch'ei previus el plan general d'allontanament d'aua. Aua piarsa tschuffa che sa buca ni aunc buca veginr menada ella serenera, sto veginr accumulada en ina casta per aua piarsa senza scul (casta senza deflussiun) ni schubergiada en sereneras pintgas.
---------------------	---

Tier gruppas da casas sto la dismessa d'aua piarsa vegnir reglada communablamein, aschilunsch che quei ei tecnicamein pusseivel e finanzialmein raschuneivel. La suprastanza communal sa obligar ils proprietaris da cattar ina soluziun communabla. Soluziuns singulas ein pusseivlas en relaziuns specialas ed en consentiment cun la suprastanza communal. Aschilunsch ch'ei dat buc ina soluziun communabla, valan pil tractament dall'aua piarsa dils singuls objects las medemas pretensiuns da schubergiar sco per ina soluziun communabla.

Art. 13

Dismessa dallas restonzas

Aua piarsa schubergiada ei da schar sfundrar ni da menar en in ual aviert/prefluent cun lubientscha dallas instanzas communalas.

Castas per aua piarsa senza deflussiun ston vegnir svidadas tenor basegns. Gliet ed outras restonzas eventualas da sereneras pintgas ston vegnir allontanadas tenor basegns, per regla ina ga ad onn. Aua piarsa tschuffa da casa cun castas senza deflussiun e gliet da sereneras pintgas sto vegnir dismess en ina serenera centrala ch'ei gronda avunda. Ina economisaziun agricola dallas restonzas ei lubida sulettamein cun ina lubientscha speciala dall'instanza cantunala.

La suprastanza communal survigilescha la dismessa d'aua piarsa tschuffa da casas cun casta senza deflussiun e da restonzas da sereneras pintgas.

Sch'ei fa basegns sa ella organisar sezza la dismessa, incumbensond per exemplu ina fatschenta adattada cun la dismessa. Ils cuosts portan ils proprietaris dils implonts per aua piarsa.

La suprastanza communal sa obligar ils proprietaris dils implonts per aua piarsa d'acceptar la dismessa dallas restonzas entras la vischunaunca.

Art. 14

Aua piarsa buca tschuffergnada

Aua piarsa buca tschuffergnada ei da schar sfundrar ni da menar cun ina lubientscha dall'instanza cantunala en in ual aviert/prefluent. Ella astga ni vegnir menada en ina serenera pintga ni en ina casta senza deflussiun.

3. Disposiziuns communablas

Art. 15

Construcziun d'implonts per

Tut ils implonts per aua piarsa ein da construir conform allas normas tecnicas renconuschidas e tenor la tecnica respectiva

aua piarsa

d'aua piarsa.

Sch'ei maunca en questa lescha prescripcziuns tecnicas specialas, pren la suprastanza communalia las decisiuns necessarias ella procedura per la lubientscha da baghegiar. Ella sa s'orientar tenor las normas e recomandaziuns dallas associaziuns professiunalas.

Implonts per aua piarsa privats astgan vegin construi e reparai mo da persunas qualificadas.

Implonts per aua piarsa sco lingias da colligaziun, tumbins, implonts per in tractament preliminar e sereneras ston esser accessibels da tut temps cun la pusseivladad da saver far ina controlla sempla. Il diameter e l'extensiun dalla glisch per lingias d'aua piarsa tschuffa e lingias d'aua piarsa buca tschuffergnada duess muntar minimalmein a 15 cm.

La vischernaunca ei autorisada da tschentiar conducts d'aua piarsa sin parcellas privatas senza indemnizaziun e senza inscripziun da servituts e grevezias el cudisch funsil. Per in'eventuala sperdita da raccolta sco era per tumbins che vegnan tschentai sin parcellas privatas vegin pagada in'indemnisaziun unica tenor directivas dall'Uniun purila svizra.

Art. 16**Collaudaziun**

La finiziun dallas lavurs vid ils implonts per aua piarsa ei d'annunziar alla vischernaunca avon che cuvierer il foss. La suprastanza communalia controllescha ils implonts, en special la colligaziun digl implant privat cun la canalisaziun publica. Ella ordeina tenor basegns reparaturas d'eventualas munconzas.

Aschilunsch che la vischernaunca mesira buca la posizun dils implonts per aua piarsa exequi, en special il cuors dil conduct, ei il patrun da construcziun obligaus d'inoltrar ils plans dall'ovra exequida enteifer treis meins suenter la collaudaziun cun l'indicaziun exacta dalla posizun da tut ils implonts per aua piarsa.

Art. 17**Menaschi,
manteniment
e renovaziun**

Tut ils implonts per aua piarsa ein da mantener cuntuadamein en in bien stadi, aschia ch'els funcziuneschan irreproschabla-mein.

Il proprietari ei responsabels pil menaschi ed il manteniment irreproschabel dils implonts.

Art. 18**Curdems**

Curdems liquids e cumpacts astgan buca vegin dismiss cun l'aua piarsa. En cass da dubi decida la suprastanza communalia suenter haver consultau igl uffeci per la natira ed igl ambient.

Sch'ei fa basegns d'ina expertisa per la decisiun, porta il petent ils cuosts per tala.

Indrezs per manizzar curdems sco indrezs per dismetter curdems bletschs e manizzaders da vanzadiras da cuschina sco era indrezs da cumpactar astgan buca veginr utilisai per manizzar resp. per presseggiar curdems cugl intent da menar quels ella canalisaziun.

Curdems ch'ein nizeivels pil tractament dall'aua piarsa astgan veginr allontanai via la serenera centrala cun la lubientscha digl uffeci cantunal per la protecziun dalla natira e digl ambient.

Art. 19

Dismessa da reston- Per saver garantir ch'il stabiliment funcziuneschi ein restonzas zas d'implots per d'implots per in tractament preliminar sco zavraders da grass in tractament resp. dad ieli d'allontanar tenor basegns, denton silmeins ina ga preliminary ad onn. Las restonzas ein da dismetter conform alla lescha.

Ellas astgan en negin cass veginr dismessas ella canalisaziun ni en uals sco era buc ell'aua sutterana.

Art. 20

Schubergiada

Ils implots per aua piarsa ein da schubergiar tenor basegns. Implots privats sa la suprastanza communal a schar schubergiar a quen dil proprietari.

Art. 21

Controlla dils implots per aua piarsa

La suprastanza communal a examinescha periodicamein il stadi dils agens implots. Ella survigilescha ils implots privats. Igl ei da lubir igl access allas persunas incumbensadas cun la controlla.

Ils proprietaris d'implots privats examineschan periodicamein il stadi da lur implots. La suprastanza communal a controllar ils implots privats a quen dil proprietari.

Art. 22

Reparatura da munconzas

Munconzas gravontas vid ils implots publics lai la suprastanza communal a reparar immediatamein. Autras munconzas ein da reparar tenor urgenza.

Munconzas gravontas vid ils implots privats lain ils privats reparar immediatamein. Autras munconzas ein da reparar tenor urgenza. Las munconzas vid implots privats lai il proprietari reparar sin agen cuost dad el anora ni sin camond dalla suprastanza communal a.

La giudicaziun dall'urgenza, la fixaziun dil scalem d'urgenza ed il termin per la reparatura dallas munconzas sedrezza tenor las recumandaziuns dallas federaziuns professiunalas e digl uffeci cantunal cumpetent.

Sch'il proprietari dat buca suatiendscha al camond, sch'ei retracta d'in cass urgent ni sch'ei vegn constatau pér suenter haver cavau si in conduct d'aua piarsa donnegiau ch'ei retracta d'in implont privat, lai la suprastanza communalala reparar ils donns ni ils disturbis a quen dil proprietari digl implont. Quel sto vegnir orientaus immediatamein davart las mesiras pridas.

Art. 23

Responsabladad

Ils proprietaris stattan buns enviers la vischnaunca per tut ils donns e disavantatgs caschunai entras mendas da construcziun e da funcziun ni entras in diever e manteniment munlus dils implonts privats.
La vischnaunca ei responsabla per donns caschunai vid implonts privats entras il diever, la renovaziun ed il manteniment nunqualificau d'implonts publics.

III. Finanziaziun

1. Implonts publics

1.1 En general

Art. 24

Fuormas da contribuziuns e taxas

La vischnaunca finanziescha ils cuosts da construcziun, da menaschi, da manteniment e da renovaziun dils implonts per aua piarsa che cuvieran ils cuosts e tenor il principi dil caschunader. En cass extraordinaris sa la vischnaunca finanziar ils cuosts restonts cun daners generals.
Pil manteniment e la renovaziun d'implonts per aua piarsa ein da far las reservas necessarias.
Il quen pil tractament d'aua piarsa vegn menaus sco finanziaziun speciala el quen communal.

Art. 25

Taxaziun, disposiziun ed incasso

Las contribuziuns da colligaziun e las taxas d'aua piarsa vegnan disponidas ed incassadas tenor las prescripcziuns da questa lescha.
Las tariffas dallas contribuziuns da colligaziun e dallas taxas d'aua piarsa vegnan fixadas el regulativ separau 'Fegl da tariffas'.
La tariffa per la taxa fundamentala e la taxa da diever ei d'evaluar periodicamentein entras la suprastanza communalala als basegns da finanzas dalla finanziaziun speciala per la dismessa d'aua piarsa. Ina adattaziun dallas taxas sto vegnir fatga entras il cussegl da vischnaunca sin proposta dalla suprastanza communalala.

Art. 26

Dretg da regress

Tier midadas da maun ei il niev proprietari enscrets el register funsil obligaus da pagar tut las contribuziuns e taxas buc incassablas.

1.2 Contribuziuns da colligaziun**Art. 27**

Contribuziun da colligaziun

Per objects che vegnan colligai per l'emprema ga cun ils implorts d'aua piarsa dalla vischernaunca ei da pagar ina contribuziun unica da colligaziun cun la canalisaziun e la serenera. Quella veggia calculada en procents dalla valeta nova tenor schazetg ufficial, quei sin fundament dalla classificaziun digl object tenor il Fegl da tariffas. Davart la classificaziun d'objects buca stipulai sil Fegl da tariffas decida la suprastanza communalia.

Per mintga colligaziun nova vala ina contribuziun minimala tenor il Fegl da taiffas.

La contribuziun da colligaziun veggia calculada per igl object principal inclus tut ils objects accessoris construi directamein vid igl object principal, quei independentamein d'ina colligaziun dils singuls objects accessoris.

Veggia igl intent d'in object midaus posteriuramein e cheutras medemamein la classificaziun digl object tenor il Fegl da tariffas, ei da prestar in pagament posteriur. Quel veggia calculaus a basa dalla differenza denter la tariffa oriunda e la nova. Per cass ch'ei seresulta ina sminuziun dalla tariffa, succeda negina restituziun.

Per objects ch'ein sulettamein colligai cun il conduct d'aua piarsa buca tschuffergnada, eis ei da pagar ina contribuziun reducida tenor il Fegl da tariffas.

Sche la valeta nova tenor il schazetg ufficial s'augmenta entras midadas posteriuras per varga 20%, eis ei da pagar in supplement. Il medem vala era, sche la valeta respectiva s'augmenta sco consequenza da midadas repetidas ni meglieraziuns succedidas vid igl edifeci el decuors da 5 onns. Il supplement veggia calculaus a basa dil surpli dalla valeta nova. Il surpli seresulta dil schazetg indexau en cumparegliazion cun il schazetg digl object niev.

Objects colligai cun ils implorts per aua piarsa dalla vischernaunca che vegnan disfatgs e puspei reconstrui el medem liug, vegnan tractai sco midadas da construcziun. Ei la valeta nova tenor il schazetg ufficial digl object niev pli bassa che la valeta nova tenor il schazetg ufficial indexau digl object che vegna disfatgs, succeda negina restituziun dils cuosts da colligaziun.

Art. 28

Contribuziun da colligiaziun speciala	<p>Sche las entradas da contribuziuns, taxas e las reservas per la finanziaziun da novs implots per aua piarsa ni per renovaziuns necessarias tonschan buca, sa vegrir incassada ina contribuziun speciala per tut ils objects ch'ein colligai cun ils implots per aua piarsa dalla vischernaunca.</p> <p>Sch'ils implots per aua piarsa publics ston vegrir baghegai ora pervia da basegns specials da singuls objects, vegrir incassada ina contribuziun da colligiaziun speciala pils objects pertuccai per cuvierer ils cuosts digl engrondiment.</p> <p>Las tariffas per contribuziuns da colligiaziun specialas vegrnan fixadas entras la suprastanza communalala. Ultra da quei valan per las contribuziuns specialas las prescripcziuns per las contribuziuns da colligiaziun d'aua piarsa conform al senn.</p>
---------------------------------------	---

Art. 29

Disposiziun	<p>Las contribuziuns da colligiaziun per objects novs vegrnan calculadas e messas a quen provisoriamein cun la lubentscha da baghegiar a basa d'ina calculaziun dils cuosts da construcziun. Per midadas da construcziun posteriuras vegrn tschentau negin quen provisori. La disposiziun definitiva succeda suenter l'entrada en vigur dil schazetg ufficial.</p> <p>Las contribuziuns da colligiaziun per objects existents vegrnan fixadas ensemble cun la lubentscha da baghegiar.</p> <p>Per disposiziuns provisorias ei la valeta probabla dil project da construcziun decisiva. Quella vegrn quintada sin fundament dils cuosts approximativs tenor la damonda da baghegiar. Sch'ils cuosts da baghegiar constattan evidentamein buca, vegrn la valeta approximativa fixada dalla suprastanza communalala sin fundament dall'assicuranza pil temps da construcziun ni d'in agen schazetg.</p> <p>Decisiva per la disposiziun definitiva ei la valeta nova dil project da construcziun indexada tenor schazetg ufficial.</p>
-------------	--

Art. 30

Scadenza ed incasso	<p>Las contribuziuns da colligiaziun provisorias scadan cun l'entschatta dallas lavurs da construcziun. Las contribuziuns da colligiaziun definitivas ein da pagar enteifer 60 dis dapi la consigna dil quen ni sil pli tard cun l'entschatta da construcziun. Las contribuziuns da colligiaziun per objects existents vegrnan messas a quen il mument dalla colligiaziun.</p> <p>La facturaziun dallas contribuziuns da colligiaziun provisorias e definitivas succeda da principi al patrun da construcziun, quei independentamein d'ina eventuala midada da maun duront il temps da construcziun. Sa la contribuziun per in motiv ni l'auter</p>
---------------------	---

buca vegnir incassada, vegn applicaus art. 26 da questa lescha.

Contribuziuns da colligaziun specialas scadan cun la finiziun dils implorts per aua piarsa finanziai cheutras. Iis proprietaris pertuccai san vegnir obligai da prestar pagaments aconto gia duront l'execuziun dalla construcziun.

Per pagaments retardai vegn quintau in tscheins da retard tenor las quotas cantunalas valeivlas.

1.3. Taxes d'aua piarsa

Art. 31

Taxa fundamentala annuala	<p>Per tut ils objects ch'ein colligai cun ils implorts per aua piarsa publics, ei da pagar ina taxa fundamentala annuala. Per objects che vegnan pil mument buc utilisai, vegn quella taxa medemamein debitada.</p> <p>Excepi dall'obligaziun da pagar ina taxa fundamentala annuala ein baselgias sco era objects ch'ein sulettamein colligai cun il conduct d'aua piarsa buca tschuffergnada.</p> <p>La taxa fundamentala vegn calculada en promils dalla valeta assicurada tenor indicaziun dall'Assicuranza d'edifecis dil Grischun, quei sin fundament dalla classificaziun digl object tenor il Fegl da tariffas. Davart la classificaziun d'objects buca stipulai sin quei Fegl da tariffas decida la suprastonza communalia.</p> <p>Decisiva per la disposiziun ei la valeta d'assicuranza il mument dalla scadenza. Corrispunda quella valeta claramein buc allas cundiziuns facticas, procura la suprastonza communalia per in niev schazetg.</p> <p>La taxa fundamentala vegn calculada per igl object principal inclus tut ils objects accessoris construi directamein vid igl object principal, quei independentamein d'ina colligaziun dils singuls objects accessoris.</p>
---------------------------	--

Art. 32

Taxa da diever per objects colligai	<p>La taxa da diever vegn calculada tenor il consum registraus entras il dumbrader d'aua en CHF/m³.</p> <p>Excepi dall'obligaziun da pagar ina taxa da diever tenor il consum d'aua registraus entras il dumbrader d'aua ein baghetgs d'economia agricols sco era implorts publics dil temps liber e sport. Tals objects pagan ina taxa da diever pauschala tenor il Fegl da tariffas.</p> <p>Sch'in dumbrader d'aua indichescha in quantum d'aua evidentamein falliu ni sch'el ha buca funcziunau duront la perioda da taxaziun, vegn l'aua duvrada dapi la davosa controlla calculada a basa dil consum dalla medema perioda</p>
-------------------------------------	---

digl onn avon; midadas eventualas el consum d'aua vegnan risguardadas.

Art. 33

Taxa da diever per objects buca colligiai	Per prender encunter e tractar aua piarsa e restonzas d'objects buca colligiai cun ils implots per aua piarsa publics, incassescha la vischunaunca ina taxa da diever che cuviera sias expensas pil tractament d'aua piarsa incl. ils cuosts da preparaziun sco era la dismessa. La disposiziun succeda tenor la quantitat d'aua piarsa e sin fundament dil Fegl da tariffas en CHF/m ³ .
---	---

Art. 34

Scadenza ed incasso	Las taxas annualas scadan mintgamai la fin digl onn current. Tier midadas da maun el decours digl onn scada la taxa pro rata cun la midada da maun respectivamein cun l'entrada en possess tenor annunzia da midada da maun. La facturaziun tier relaziuns da dretg da baghegiar succeda al proprietari dil dretg da baghegiar, tier relaziuns da proprietad communabla als proprietaris dalla proprietad communablamein, tier cumproprietad als singuls cumproprietaris separadamein, tier proprietad da condomini all'administraziun. El cass ch'igl ei buca pusseivel d'eruir il diever effectiv per mintga singula cumproprietad, succeda la facturaziun communablamein. Sa la taxa per in motiv ni l'auter buca vegnir incassada, vegn applicaus art. 26 da questa lescha. Las taxas ein da pagar enteifer 30 dis suenter haver retschiert il quen. Per pagaments retardai vegn quintau in tscheins da retard tenor las quotas cantunalas valeivlas.
---------------------	---

1.4. Mieds legals e dretg da pègn legal

Art. 35

Protestas	Protestas encunter ils quens da contribuziuns e taxas ein d'inoltrar e da motivar en secret alla suprastanza communal a quei enteifer 30 dis. La suprastanza communal examinescha la protesta e communichescha sia decisiun en ina disposiziun contestabla.
-----------	--

Art. 36

Dretg da pègn legal	Il dretg da pègn legal per contribuziuns da colligiaziun sedrezza tenor art. 131 dalla lescha introductiva al Cudisch civil svizzer.
---------------------	--

2. Implonts privats

Art. 37

Implonts privats

Ils cuosts pils implonts privats sco era per lur colligiaziun cun igl implont public portan ils petents. Colligiaziuns preparadas entras la vischernaunca veggan messas a quen ensemes cun la lubientscha da colligiaziun.

Sche la colligiaziun vegg exequida entras la vischernaunca, san ils petents veggir obligai da garantir ils cuosts prevesibels.

Sche las colligiaziuns ed ils conducts da colligiaziun surveschan a plirs proprietaris, han ils proprietaris da parter sezs tut ils cuosts denter els. Resalvadas ein regulaziuns specialas en proceduras da planisaziuns da quartier e regulaziuns per conducts da colligiaziun ch'ils proprietaris han da construir resp. utilisar communablamein tenor ordinaziun dalla suprastanza communalia.

IV. Disposiziuns executivas e disposiziuns finalas

Art. 38

Entrada en vigur ed abrogaziun dil dretg vertent

Questa lescha davart la dismessa dall'aua piarsa va en vigur cun igl 1. da schaner 2019.

Cun l'entrada en vigur dalla presenta lescha veggan abrogai tut las leschas e tut ils reglamens davart la dismessa dall'aua piarsa dallas anteriuras vischernauncas.

Las disposiziuns pertucciont la contribuziun da colligiaziun ein d'applicar per tut las damondas da colligiaziun e tut ils projects da contrucziun, ils quals ein aunc buca lubi tier l'entrada en vigur da questa lescha. Tier projects gia lubi sedrezza la contribuziun da colligiaziun tenor las leschas ed ils reglamens dallas anteriuras vischernauncas.

Art. 39

Disposiziuns penalas

Tgi che counterfa intenziunalmein ni per negligentscha a disposiziuns da questa lescha ni ad ordinaziuns che sebasan sin questa lescha ni sbitteschan disposiziuns che sebasan sin quella vegg castigiaus cun ina multa da tochen 5'000 francs. En levs cass sa veggir admoniu a bucca ni en scret enstagl da dar ina multa. Las disposiziuns penalas dil cantun e dalla confederaziun ein resalvadas.

La responsabladad e procedura sedrezzan als art. 22 e 23 dalla lescha da polizia dalla vischernaunca da Breil.

Approbada dil cussegl da vischernaunca a caschun dalla seduta dils 26-02-2019. Il fegl da tarifas ei vegnius revidius a caschun dalla seduta dil cussegl dils 24-06-2020. La secunda revisiun ei vegnida approbada dil cussegl ils 16-11-2021 e va en vigur naven digl 1 da schaner 2022.

Cussegl da vischernauncaIl president: *Tercisi Dietrich*Igl actuar: *Cardin Cadonau***Suprastanza communalia**Il president: *Clau Schlosser*Igl actuar: *Cardin Cadonau*

Fegl da tariffas

A basa dils artechels 24ss dalla lescha davart la dismessa dall'aua piarsa per la vischernaunca da Breil veggan incassadas las suandontas contribuziuns e taxas.

La taxa da basa annuala vegg fixada sin fundament dalla valeta nova tenor schazetg indexau: Variescha igl index dall'assicuranza d'edifezis buca pli fetg che 3% vegg fatg negina adattaziun dalla valeta nova. La valeta vegg en mintga cass adattada mintga 10 onns ed indexada da niev.

1. Contribuziun da colligiaziun (art. 27)

Quota dalla valeta tenor schazetg ufficial

1. classa d'objects	0.75%
Baghetgs d'economia agricols	

2. classa d'objects	1.00%
Edifecis d'administraziun, casas da scola, implorts publics dil temps liber e sport, baselgias, clavaus, tegias da cuolm, deposits da material, menaschis da commerci e mistregn	

3. classa d'objects	2.00%
Objects da habitar, casas da vegls, menaschis da loschament (hotels, pensiuns, resorts e.a.v), ustrias, sereneras	

Tier objects cun differents dievers che pertuccan pliras classas vala la tariffa tenor la classa aulta el cass ch'ei exista buc in schazetg ufficial separau per mintga unitad.

Objects colligai sulettamein cun il conduct d'aua piarsa buca tschuffergnada	0.3%
--	-------------

Contribuziun minimala	CHF 400.00
-----------------------	-------------------

2. Taxa fundamentala annuala (art. 31)

Quota dalla valeta assicurada tenor indicaziun dall'Assicuranza d'edifecis dil Grischun

1. classa d'objects	0.075 %
Baghetgs d'economia agricols, sulettamein per la part colligiada	

2. classa d'objects	0.125%
Edifecis d'administraziun, casas da scola, implorts	

publics dil temps liber e sport, clavaus, tegias da cuolm, deposits da material, menaschis da commerci e mistregn

3. classa d'objects	0.25‰
Objects da habitar, casas da vegls, menaschis da loschament (hotels, pensiuns, resorts e.a.v.), ustrias, sereneras	

Tier objects cun differents dievers che pertuccan pliras classas vala la tariffa tenor la classa aulta el cass ch'ei exista buc in schazetg ufficial separau per mintga unitad.

3. Taxa da diever per objects colligai (art. 32)

Quella taxa vegn incassada sin fundament dil consum d'aua. Ella ha da cuvierer 25 - 50% dils cuosts declarai ella contabilitad e vegn quintada sin fundament dil consum d'aua.

Tut ils implonts colligai tenor l'indicaziun dil dumbrader:
CHF/m³ 0.90.

4. Taxa da diever per objects buca colligai (art. 33)

CHF 30.–/m³ Prender encunter e tractar auas piarsas ella serenera

5. Taglia sin la plivaleta

La vischernaunca da Breil ei suttamessa alla taglia sin la plivaleta. Tut las tariffas suranumnadas secapeschan exclusiv la taglia sin la plivaleta.